



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Ioviani Pontani. De Aspiratione Libri duo. Charon
Dialogus. Antonivs Dialogus. Activs Dialogus. Aegidivs
Dialogus. Asinvs Dialogus. De Sermone Libri Sex. Belli,
Qvod Ferdinandvs Senior ...**

Pontano, Giovanni Giovano

Venetiis, 1519

Poeta Personatvs.

urn:nbn:de:hbz:466:1-12960

ANTONIUS

Hoc nunc agite spectatores optum.
 Duces decoris pictos armis noscite,
 Et gesta Marte dubio certamina.
 Ac scruenters campis ignium globos
 Vento rotatos, & flamarum turbines,
 Agros, nemora, peditumq; ambusta corpora,
 Vna absorbentem, & caelo labentis faeces,
 Audire pulchrum est strages, & cadentium
 Aceruos, ac cruore stagnantes agros,
 Ipsum tranquillo, & tuto sistere in loco.
 Illuc redeat unde digressa oratio.
 Prius quieuit noster hic uates siti,
 Nunc somno, uinum ut edormiscat salicet.
 Homeri hoc tantum habet, quod persepe ebrius,
 Maronis unum, nimio marcet ocio.
 Sentitis ut aperitis stertit faucibus?
 Hiat, muscas uenatur. Sane hoc est nouum
 Auspium. os aperit, stringit iam, tene, tene,
 Lepidam auiculam. heus uirule, heus marina bellua
 Deliciae oceani, surge atq; expersgiscere
 Postquam uenatus. Euge, iam erigit caput
 Iam defricat oculos. iam ascendit pulpitum
 Taceo. Vos spectatores animum aduortite.

POETA PERSONATUS.

Onstitit hic lustrans oculis locat. mox ita fatetur
 Haud paruo fraus haec steterit tibi magne nec ultra
 Cunctatus uocat, armatos ad signa tribunos
 Vos musae memorate, etenim memorare potestis.
 Vobis pyrene, Arcitenens Dea rettulit illi.
 Vos memori egregium facinus producite fama
 Quod inuict & meminisse, & commemorasse minores,
 A lilius fraterq; lycon prima agmina ducunt,
 Praestantes animis iuuenes, quos Nursia mater
 Marte satos, furtim patrijs mandarant alendos
 Montibus, & succis herbarum & lacte lyciscæ
 Testatur nutricem auro galea alta lyciscam
 At clypeo quatit ingentem Mars effusus hastam.

Proxima syluano clarus patre, clarior armis
 Agmina agit Marsus. clypeo, lacus enatat ingens.
 Ipse antro fundit liquidas & Fucinus undas.
 Pandit se cono aduolitans argenteus anser
 Addictus puero custos, cum paruus ad amnem
 Ludit aui, puer & uitreos maris innatat aestus.

Hinc iaculo bonus, ense bonus, melior tamen arcu
 Actius insequitur. argento auroq; coruscus.
 Neuit acu chlamydem coniux, quam lucus opacat
 Hesperidum, pendensq; suis poma aurea ramis.
 Argento serpens riget, & trahit horrida cauda
 Septem orbes, micat & linguis furiata trifidas.
 Sub leuam uagina auro, uiridiq; smaragdo
 Irradiat distincta, & iaspide fulgidus ensis
 Ad capulum. nitet & nexu noua fibula eburno.
 Aurea mandebat sonipes frena. aurea cassis
 Emicat, auratos spargit sol aureus ignes,
 Ac serpunt hederæ per leuia tempora nigrae.
 Lunat ama Conium in morem pelta horrida monstro
 Lernæo. Septemq; illi capita alta tumescunt.
 Et lates pandit rictus Fera. defluit atrox
 Virus, & effuso luescit parma ueneno.
 At dorso pugnacis equi terga aspera pendent
 Illa bouum, tegit & crudus genua ultima pero.
 Hæc uariat nemus ideum, atq; ad pocula raptus
 Dardanius puer, & cupido præda acta tonanti.
 Ter puerum inuadit præpes. Ter præpetis alas
 Euadit puer. hinc rostro sacer ales adunco
 Abreptum, Implicitumq; ungui, multumq; sub ala
 Percussum, frustra auxilium, diuosq; uocantem
 Ante Iouem cælo statuit. mox uersus in astrum
 Inter sydereos ales micat aureus ignes.

Quem post uenatore satus patre, maximus armis
 Compater. huic apri clypeo riget horrida pellis
 Incoctumq; ursi tergus. latrat aspera cassis
 Ora canum, duraq; horrent uenabula dextra.
 Lartius hunc pater amissa genitrice, lupina
 Pelle fouet tectum folijs, subq; ubera adactum
 Lactentis quam cum catulis deprenderat ursæ.

ANTONI V S

Mox puer exagitare feras assuevit, & acto
Venatu tolerare famem. atq; inhiare cruori.
Qualis mane nouo cum fulgidus igne nitenti
Lucifer irradiat cœlo. mirantur & illum
Pastores. gaudet cæro Venus aurea signo,
Aeratam sic ante aciem nitet ora Camillus
Insignisq; coma puer, & fulgentibus armis.
Miranturq; ut tela manu, atq; ut torqueat hastam.
Vt gladium stringat dextera. Sertorius ipse
Concipit optatæ iandudum gaudia palmæ.

Tum uates phœbo cærus Saxonius astur
Idem augur, cui uox auium pennæq; patebant
Et curare manu doctus cantuq; leuare
Vulnera, non tamen ense minor, minus utilis hasta.
Laurea cingebat galeam, tegit insula crines,
Serpebant hederæ clypeo. uiret hasta corymbis.
Et capulo insignis radiabat acinacis aureo.

Hinc Aspar garamas quo non præstantior alter
Aut torquere manu iaculum, aut dare vulnera funda
Ceruleus capiti trifido, micat ore Cerastes
Ter caudam collo implicitans. puer Aspar & illi
Assuevit, cantata daret cum pabula & aspis
Luderet infantis manibus, cum lambit & ora
Ora genasq; simul, & collo lubricus errat.

Horret & insutus cetræ leo. cruda draconum
Terga humeros, crudumq; tegit thoracæ elephantus
Ipse arcum pharetramq; humeris, clauamq; trinodem
Incoctamq; sudem dextera gerit, & quatit acer,
Marmaricoq; subinde hululans uocat agmina cantu.

Ecce decus belli rarum tritonia Birse,
Ipsa pedes quamuis, equites tamen eminet inter
Vertice iam toto, & passu præuertit euntis.
Nodosam lateri clauam fert. dextera pinum
Ingentem quassat pinum, quam fulua bipennis
Asperat. Ipsa exerta humeros, & brachia & ipso
Poplite nuda tenus. non illi pectora thorax,
Non galea abscondit crines, sed tornulus aureus
Circuit ingentem lato curuamine frontem
Et multo pectus communit baltus ære,

Palladis

Palladis armifonæ donum fatale. quod illi
 Ferre dedit, tutum armatos munimen in hostes.
 Hanc Fauno, & nymphea genitam Garamantide, mater
 Dum partum celat, tergo bouis indit, & aspris
 Sentibus impositam, nymphis nemoriq; relegat.
 Quam dum forte lauat tritonide Pallas in unda
 Oblatam ut tenuit gremio, miratur & ora,
 Et latos humeros, & membra ingentia. quodq;
 Nec uagit, feri q; aspectum non territa diuæ,
 Quodq; hastam galeamq; oculis, atq; ægida lustrat.
 Commendant matri Tritonidi. sedula mater
 Educat. Illa ut primum ætas tulit, ire per altas
 Nuda genu sylvas, latebrasq; intrare ferarum,
 Sectari cernam cursu, uenabula in aprum
 Dirigere, & fuluum iaculo attentare leonem.
 Finitimis etiam bellis assueta, ni grantem
 Gerionistheniden claua abstulit. hunc tremat omnis
 Aegyptus, tremat extremi domus abdita Nili
 Egregium, ac coeli columen Maurisius Atlas,
 Accipit ob meritum donum immortale Minervæ.
 Auratam fronti uictam, atq; ad pectora balteum
 Exulta quibus in bellis inuicta uirago.
 Hæcnicus extremas acies, atq; ultima claudit
 Agmina. nam iussus properare in castra Marullus.
 Communire manu uallum, portasq; tueri.
 Ipse ostro claudem intextam, argentoq; nitentem
 Aurea quam lato percurrit lina tractu
 Insignis, fuluq; comam nodante Pyropo
 Irradiat, ueluti roseo cum Solis in ortu
 Percussim radijs splendet mare, iam tremat unda
 Iam feriunt sese radij, iam dissilit ardor
 Huc illuc. nequeunt tum lumina nostra tueri.
 Quin etiam auratos spargit de casside fluctus
 Oceanus. splendet cæno sub marmore Triton.
 Fluctuat, & clypeo per cerula concita delphin
 Argento assurgunt undæ. Tum litora gemmas
 Sparsa nitent. micat aduerso sub lumine pontus.
 Hos arno genitus nympheaq; euarchide uates
 Quem musæ aonio puerum fouere sub antro

Puttius ad pugnam uocat, atq; hortatur euntes.

Di uobis sunt tela uiri. Mars dextera cuiq; est

Vicinus. ipsa suas uictoria concutit alas.

Pax parata. Hesperius nobis regnabitur orbis,

V t uentum est sub signa, ducem sua quenq; secuta

Est legio, ac densis cogit se exercitus armis.

Intenti expectant signum. mora q; omnis iniqua est

Oceano ueluti in magno cum cerula Proteus.

Agmina agit stabulis, coeunt immania monstra

Sub duce quæq; suo. feruent freta. pastor adipas

Stat aulæ, baculoq; greges, & uoce coercet.

Non casses, ipsi nequeunt retinere magistri.

I nterea cæsos equites, primamq; cohortem

Haustram undis, ripasq; & flumen ab hoste teneri

Nuntius attulerat magno, famuliq; ferebant

Impositum clypeo Petreium. ægerq; dolensq;

Substitit ad medium collem, secum ipse uolutans.

Incertus casu tanto, pugnam ne retractet

Paulatim colle excedens, an flumina tentans,

Implicatum eliciat ripis fluuiialibus hostem

Fidentemq; equite, atq; recenti cæde tumentem.

Hæc secum. mox acito iubet arma Cethego

Inferri ripis, peditemq; ad signa uocari.

Ipsæ inuictus equo. Nunc o fortissima bello

Pectora, nunc certate manu. Tot flumina nando

Emensos, torrens tenet, atq; ignobilis amnis?

Vincite iam uictos, unaq; absoluite pugna

Reliquias tot bellorum. Dum talia fatur

Magnus, ab impietro pugna est commissæ Cethego.

Namq; ultra aduersam ripam uada nota secutus

Pontius insisterat, campo congressus iniquo

Dum fossas, & saxa inter uersatur, equesq;

Confossus cecidit, & pediti pedes. additus instat.

Quod postquam longe aspexit Sertorius, & quæ

Sit fortuna uidet. nulla est mora. protinus agmen

Ire iubet, dictis stimulans. Nunc lecta inuentus

Nunc uictrix manus ad ripas. uada peruia. & ipse

Pontius insultat campo. non audet & hostis.

Aut conferre gradum, aut descendere montibus altis.

Hesperiam dextra gerimus. Spes omnis in armis.
A Iulius fraterq; Lycon trans flumina primi
 Consistunt. sequiturq; hastis innisa iuuentus.
 Pars capiti scuta alta gerunt. pars insita pilis,
 Pone trahunt alij. Sistunt & flumina cursum
 Mole uirum, atq; undis illisa remurmurat unda.
 Tum ripæ clamore sonant, collesq; resultant,
 Offensa & nemorum assultu respondet imago.
 Vix alias tantis animis in prælia uentum est.
 Successus certamen alit. dum cedere neutris
 Decretum est, urgetq; ducum præsentia, & ardor.
 Ingeminat uires. crescit certamine uirtus.
 Crudescit gladio maior. nec iam eminus hasta
 Communis ense agitur. humescunt sanguine campi
 Cæde natant fossæ. Tum territa terra cadentum
 Corporibus tremit, & gladijs micat æreus æther.
T ercentum clypeata phalanx, hinc sub duce Hiarba
 Illinc Suffeno, stabilis pedes, arma manusq;
 Contulerant, ut forte alnus radice reuulsa
 Conciderat, ramisq; ingens iter occupat, ut nec
 Aut his aut illis pateat uia. Sænit utrinq;
 Effera uis, duriq; crepant per scuta molares,
 Ut cum se orionis iniquo sidere grandæ
 Præcipitat, uasto crepitant sub uerbere tecta.
 Minc Tacio, Lepidoq; caput ceruicæ reuulsum
 Ense Tagi. cadit ense Remi, Turnusq; Ligusq;
 Nam Liguri femur exectum, Turno ilia & ipsas
 Traiecit costas, ac pectora feruidus ensis.
 Per galeam cerebrumq; ac tempora guttur ad ipsum,
 Assaracum secat V fentis sublata bipennis.
 Illinc & Marus, & Basso cum fratre Faliscus
 Thessalicusq; Maroniades, & Lydius Hypseus
 Conciderant, Siculusq; Corax, & maurus Iopas.
 Idem omnes eodem gladio ferus abstulit Ancus.
 Hic genitus Vulcano, atq; Aetnæa Cianeæ
 Fatiferum à patre ense, atq; immedicabile ferrum
 Accepit, Stygia genitor quod tinxerat unda.
D umq; alnum truncosq; super leuis insilit Anser
 Accipit æratam infelix per guttura cornum.

Spiramenta animæ clausit telum. Ille uolutus
 Singultantem animam pronus uomit. cia age Hiabos
 Exclamat, Spolia illa uiri, cum talia fantem
 Ora per increpitans alis penetrauit arundo.
 Insultans cui Suffenus. spolia accipe uictor
 Ista tibi, iaculumq; quatit. suffigitur hastæ
 Dextera, dum excusso properat torquere lacerto.
 Hic cædes miseranda oritur super anfore tracto
 Dum spolia exuniasq; uiri cupit hostis, & hostis
 Pro decore haud timet, aduersis incurrere telis.
 Huc omnis legio uersa, huc sua signa Cethegus
 Inferri iubet. huc contra Altiliusq; Lycónq;
 Accurrunt, paribusq; animis certatur utrinq;
 D um primam ferus ante aciem mouet arma Cethegus
 Ac iaculo ferit Iasium, sternitq; uolentem
 Murano clypeum auellit, transfigit utrumq;
 Quercenti femur, ingeminat per uiscera ferrum
 Quintilio, atq; uida morientem extendit in herba,
 Interea per scuta uirum, per tela, per enses
 Altilius ruit infrendens. caput amputat Istro
 Brachia Segnitio, nares & labra Meallo,
 Tempora diffringit Catio, prosternit Omasum,
 Umbritioq; haurit iugulum, forat ilia Cossò,
 Præcipitemq; inter fossas, dat amintora saxo.
 T um leua de parte Lycón furiaius & amens
 Quintilio extincto, quid tu generose Cethege
 In plebem furis exclamat? cui talia contra
 Ille refert. O' mauortis præclara propago
 Mentitum genus in syluis, quid prælia differs?
 Est clypeus. sunt tela tibi. simul inijciat hastam.
 Auertit uenientem umbone. ea lapsa pependit
 Marmarici clypeo. contra uenabula torquet
 Dura Lycón. Saltu deuittat tela Cethegus,
 Illa ocreis illapsa Tagi, femora ultima & inguen
 Extremum rupere. cadit Tagus. aduolat Ammon
 Elatamq; alte subigit per colla securim
 Et caput affigit conto. clamore secuta est
 Læta cohors, tum tela Lycón, tum saxa Cethegus
 Ingeminat, stringunt acres & cominus enses.

- I**nterea paulatim acies, ac signa mouebat
 Pompeius, seq; ad ripas non se gnis agebat.
 Ipse ostro insignis humeros, auroq; coruscus
 Fertur equo, quem Neptuni de gente crearat
 Mater, ab aduersi conceptum flatibus Euri.
- F**orte ut erat de cæde equitum de cæde uirorum
 Fessus, & extremum seruabat Pontius amnem
 Vidit ut incensa stipula exagitantibus auris
 Hæserat arenti trunco uapor. ille uolutus
 Per frondes urgente Euro conceperat ignes
 Et late ramos flamma crepitante cremabat.
 Admonit dextram trunco, auulsitq; trahendo
 Pontius, & campo rapidus iacit, atq; ita fatitur.
- E**ure pater, cui pars cœli pulcherrima seruit
 Cui parent auræ oceani, cui regia solis
 Ampla uacat, quiq; & terris, pelagoq; sonanti
 Imperitas, quate nigram Rex magne procellam,
 Nunc exerce auras, & pennis aëra uerre,
 Ac mecum insidias, hostemq; ulciscere uictor.
 Sacra tibi ante aras statuam uotiuâ quotannis
 Candentis foetus ouium, intactamq; inuencam.
- A**nnuit, excussitq; alas Deus. Illicet ingens
 Tempestas cœlo exoritur. fremit arduus æther,
 Dant syluæ sonitum ingentem. cœnaq; antra resultant,
 Pulueris sequitur confusa per agmina nimbus.
 Dispergitq; undas flammarum, atq; omnia late
 Inuoluit, iactatq; furens incendia uentus.
 Tolluntur cœlo summi, glomerataq; flamma
 Peruolitat, simul absorbens, stirpesq; uirosq;
 Et quamuis trepidum cernerent iam signa receptum
 Telaq; projicerent dextris, clypeosq; sinistris,
 Flammatus tamen ante acies euadere non est.
 Varenus Iasiosq; duos, liguremq; Labullum
 Cretensemq; Gian, gaditanumq; Liertem
 Assyriumq; Naban, Pyreneumq; Biantem
 Tris Alcmeonidas, & clarum Hypsenora cantu
 Erumpens atra primum de subere fumus
 Inuoluit, mox flamma rubens una hausit, & alte
 Iactati, mox flagranti cedere ruina.

- C**onstitat forte ad saxum tardante sagitta
 Narnius imbrasius, dumq; illam auellere tentat,
 Exanimum exustumq; alta suspendit in ulmo
 Fulmineus globus, inde euro torquente rotatus
 Alconem rapit, huic barba crinisq; reluxit
 Sublatumq; alte caelo intulit, inde nigrantem
 Ruptantemq; ignes, medium deturbat in amnem.
 Perstridere undæ attractu, fumumq; dedere,
 Ut cum uersatum ardenti fornace metallum
 Canduit, exceptumq; tenaci forcipe tingit
 Ipse lacu faber. efferruit lacus, obstrepit unda
 Et fumus petit aduolitans nigrantia tecta.
 Tercentum huic capita hirta boum, totidemq; iuuencae
 Pascebant Sila in magna. famam ipse secutus
 Deferuit patriam, et dulcers cum coniuge natos.
 Bisseptem Ausidio nati præclara iuuentus.
 Surrenti domus ampla, æquano in litore turris,
 Felices baccho colles, tot iugera campi
 Totq; greges, Sarnusq; fluens per florida rura.
 Et natos tamen & patriam. dulcersq; recessus
 Sirenum (potuit tantum ambitiosa cupido)
 Post habuit. cui primum oculos flamma abstulit. inde
 Torruit ambustam dextram, uento acta fauilla.
 Post tortus iaculante euro per uiscera truncus
 Canduit. ipse atros spirans de uulnere fumos
 Et Sarni fontem, & liquidos reminiscitur amnes,
Fatidica Vrsidio mater prædixit eunti
 In bellum, fuge nate ignes, incendia uita.
 Corruptus flammis queritur, matremq; deosq;
 Veriloquos quodq; humentem liquisset & Arnum
 Et fessulas natale, solum, florentiaq; arua.
Tercentum sub rupe caua, sub sentibus aspris
 Deliterant simul, insidijs delecta iuuentus.
 Tercentum simul absumpsit glomerata fauillis
 Aura nouis, ut cum frondosa in ualle sub astrum
 Pleiadum, tacta alta Iouis de fulmine quærcus
 Vno omnis simul afflatu per pascua circum
 Grex cadit, exitioq; ruunt armenta sub uno.
Ter flammam pedibus pernix enaserat Vfens

Infelix ora obuertit. uidet ægra trahentem
 Crura patrem, ex anguemq; metu. uestigia retro
 Præcipitat, prensūq; manu, ac ceruice reclinat
 Impositum trahit, & labens incendia uitat.
 Improvisum anguem pressit grauis. Ille repente
 Implicit plantæ agglomerans. Dum se explicat v fens
 Dum seuit coluber, squamosa uolumina torquens
 Exiliit fumosa uomens incendia turbo.
 Absorpsitq; v fentem una colubrumq; patremq;
 V fentem, quem ceruleis Feronia in antris
 Nutrirat, puer & uiridi consueuerat umbræ.
 Hunc sacrum nymphae nemus, hunc fleuere napeæ,
 Circeiq; sinus, hunc Anxuris ora, lacusq;
 Setini, & tacitæ rupere silentia Amyclæ.
 Peruolitat turbo inuoluens syluasq; ferasq;
 Densatur coelum fumo, caligine montes
 Conduntur fluitantq; atræ per summa fauillæ.
 Mox seui erumpunt ignes. flammæq; coruscant
 Et coelum lambit rutilans & sydera uortex.
 Hinc rursus torquente euro per inane uolutus
 Incumbit campis, truncosq; ambusta; uersat
 Robora, candentemq; rapit sese ante procellam.
 Suffenum, armigerosq; duos eadem aura peremit
 Cum geminis V argunteis, libicoq; Gulsiffa.
 Vmbronem, Hispanemq; lacetenumq; Biorem
 Hastatosq; numantinos, nomadumq; cohortem
 Ceirathamq; manum, præerat cui turdulus I fcon
 I fcon auis atauisq; genus qui ducit ab orco.
 Vna omnes rapit unda, rapit Varumq; Macrumq;
 Gifconemq; syracosum gramantaq; Bocchum
 Mox raptos flammarum. hausit arcum acta uorago.
 V t cum trinacriæ campis de uertice summo
 Aetna uomit rapidos æstus. It turbine denso
 Sublatus coelo fumus. mox rumpit in auras
 Flamma furens. uolitant rutilæ per inane fauillæ
 Post iactante noto agglomerans flectitq; rotatq;
 Huc illuc. ea lapsa faces iaculatur, & altis
 Illisa arboribus, siluas, saltusq; uagatur
 Incensos. ruit interea mirabile uisu

Flammarum torrens rapidus, liquefactaq; saxa
 Præcipitat simul inuoluens stirpesq; ferasq;
 Tecta q; pastoresq; furit vulcanius amnis,
 Per ualles, per culta, ingens metus urget a grestibus
 Vicinæq; suis diffidunt mœnibus urbes.

Haud aliter pauor inuasit. fugi coepta per omnes
 Est acies. Ite exclamat Sertorius. Ite.

Ite citi. uada nota citi peruadite, & amnem
 Primus obit. Sequiturq; ducem sua quenq; iuuentus
 Et circumstetit armatus trans flumina miles.

Forte sub annosa quercu in conualle silenti
 Arcitenens Dea, sænarum de cæde ferarum,
 Lassa quiescebat, trepido cum excita tumultu
 Surgit, & ascendit summi iuga pinea montis.
 Constat hic lustrans oculis loca. cernit utraq;
 Effusam campis aciem, uidet agmina, & ipsos
 Hinc illinc instare duces. Sæuire proteruum
 Eurum, atq; in medijs uolitare incendia siluis,
 Tot strages, tot fumantes & corporum acervos,
 Ingemuit, traxitq; alto suspiria corde
 Aduentare diem quo dux Nursinus acerbo
 Casurus fato, hesterijs occumberet aruis.
 Nam puerum templo admotum cum sedula mater
 Commendat triuiæ, atq; adytis Dea grata recondit,
 Consuluit fratrem. frater fata abdita pandit,
 Ingentem fore, & hispanis per bella, per enses
 Regnaturum oris, tamen illum haud tarda manere
 Funera, cum pariter flammæq; undæq; fauerent
 Pugnantem, armatumq; eurus prosterneret hostem
Fatorum Dea facta memor de ualle propinqua
 Pyrenen iubet acciri. hæc nam fida ministra,
 Hæc comes. huic omnis thalami quoq; credita cura.
 Illa uolat. dictis cui sic Dea fatur amicis.
 Nota soror tibi fata ducis, quæ certa propinquant.
 I, propera. fac signa retro, fac agmina uertat.
 Pugnatum satis est. nec plura effatur. at illa
 In ceruam conuersa, noto non se gnior ibat.
 Ipsa arcum leua stringens, dextraq; sagittam
 Lunauit, simul ut capita acurnata coirent,

Laxauit, simul ut flammæ elapsa sagittæ
Conciperet, fulxere auræ, tractu illa corusco
Emicat, & ducis ante pedes affixa reluxit.
Obstupuit tanto monitu Sertorius. Ecce
Cernua per attonitas penetrat non cognita turmas.
Agnouit Triuiæ famulam Dux, ac prior inquit,
Nota uenis, nec me fallit Dea, quadrupedemq;
Conuertit ripæ appropinquans. præcedit euntem
Pyrene, pedibusq; micans & cornibus aureis.
Signa canunt reditum. Sequitur tum ferrea pubes,
Oceanoq; egressa, polum nox occupat atra.

F I N I S.

